

STRAUMÖND

Straumönd er vatnafugl sem líður best í og við straumharðar lindár og brimasamar strendur. Þegar hún flýgur fylgir hún árfarvegum, hverri bugðu og beygju og flýgur jafnvel undir brýr.

Í lindám er helstu fæðu straumandar að finna en það eru lirfur og púpur bitmýsins. Á sjó er fæða hennar ýmis smádýr eins og þanglýs, marflær og kuðungar.

Straumöndin er staðfugl á Íslandi sem þýðir að hún er á landinu eða við strendur þess allan ársins hring. Einu varpstöðvar hennar í Evrópu eru hér á landi og er hún þess vegna ein af ábyrgðartegundum okkar á Íslandi. Utan Evrópu finnst straumöndin einnig austast í Síberíu, á Grænlandi og við norðanverðar strendur Norður-Ameríku.

